
Футзал Бронза медали соҳиблари

Якшанба куни футзал бўйича Ўзбекистон чемпионатининг расмий учрашувлари ниҳоясига етди. Фарғонанинг “Нефтчи” клуби ҳузуридаги футзал жамоаси 2018 йилги мавсумни муваффақиятли якунлади.

Фаррух Зокиров шогирдлари мавсум давомида 26 та учрашувни ғалаба, 11 та беллашувни дуранг натижа билан тугаллаб, 89 очко тўпладилар ва республика мусобақасида 3-ўринни эгаллаб, бронза медали соҳиби бўлдилар.

Охирги учрашувни Тошкентда ўтказган фарғоналиклар “Бунёдкор” жамоаси билан бўлган биринчи баҳсда имкониятни қўлдан бой берган бўлсалар, иккинчи ўйинда 3:7 ҳисобида пойтахт спортчиларидан устун келдилар.

– Йигитларимиз ҳар бир учрашувни уюшқоқлик ва юксак масъулият билан ўтказишга ҳаракат қилдилар, – дейди жамоа катта мураббийи Бобурбек Мадаминов. – Эришган ютуқларимиз Фарғона спорти ва футболини ривожлантиришга қўшган муносиб ҳиссамиз деб ҳисоблаймиз ва бу билан фахрланамиз.

Бу ютуқларда ҳар бир учрашувни чиройли голлар билан нишонлаган Элёр Домлаев, Авазбек Абдувалиев, Анасхон Раҳматов, Ҳусниддин Нишонов каби маҳоратли футзалчиларнинг ҳиссаси айниқса катта.

Дониёр ЭРҒАШЕВ.

2018-11-24 09:53:14